



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Libellvs De Angelo Cvstode R. P. Francisci Albertini Soc. Iesv Theologi**

**Albertini, Francesco**

**Coloniae Agrippinae, M.D.C.XIV**

Cap. 20. Quot modis iniri possit sancta quædam cum Angelo custode  
familiaritas.

[urn:nbn:de:hbz:466:1-46785](https://nbn-resolving.org/urn:nbn:de:hbz:466:1-46785)

nuncupabat Dominū suū. Respondit autem sagacissima mulier, *si nos vellet occidere, de manibus nostris holocausta & libamina non suscepisset.* Si itaque læsum Angelicum Custodem tuum placare cupis, ad altare confugiens sacrificium in honorem ipsius Deo offer; quin erige ei proprium altare in templo cordis tui, in quo quotidie non vnū, sed aliquot deuotionis & sanctarum orationum hostiæ consecrentur.

## CAPVT. XX.

QUOT MODIS INIRI  
*possit sancta quaedam cum An-  
 gelo custode familia-  
 ritas.*

**C**UM Custode Angelo nonnunquam familiariter conuersari, & licet & expedit, vt hęc ratione nostra erga ipsum confidentia augeatur; istud absque dubitatione Sanctus Bernardus voluit, cum Auditores suos taliter hortaretur:

*Hebetote familiares Angelos, Fratres mei, & frequentate eos sedula  
 & de Ang. cogitatione, & deuota oratione, quia  
 sem-*

semper nobis adsunt ad custodiam & consolationē. Et alibi, vt amplio- rem, inquit, de cætero erga beatos Angelos fiduciam habeatis, familiarius in omni necessitate vestra eorum inuocetis auxilium. Cæterum in doctrina eiusdem Bernardi, talem oportet esse hanc familiaritatem, vt Angeli aliquid ex eâ voluptatem percipiant, neque enim vniuscuiusque conuersatione delectantur, sed eorum duntaxat, qui sobrietati, castitati & paci addicti sunt. Si tam necessariam, inquit ille, habemus familiaritatem dignationis Angelicæ, cauenda nobis illorum offensa, & in his maximè exercendū, quibus eos nouimus oblectari. Sunt enim plurima quæ his placent, & quæ in nobis inuenire delectat, vt est sobrietas, castitas; attamē super omnia hæc vnitatē & pacem à nobis exigunt, Angeli pacis. Videamus itaque cuiusmodi conditionibus familiaritas hæc nostra affecta esse debeat.

ibid.

180 DE ANGELO  
TRES MODI FAMILIARI-  
tatem ineundi & exercendi  
cum Angelis.

*Primus  
modus  
familia-  
riter con-  
uersandi  
cum An-  
gelis.*

Deuotus quidam Religiosus tres modos annotat, quibus homines subinde cum Angelis cōuersamur. Primus est, quando plures Angeli Custodes in vnum coeunt, vti accidit, cum nostrum aliquis tractat cum alijs hominibus. Tunc enim non aliter sese vnusquisque habere debet, quàm si aulicus coram Domino suo, & alijs ipsi adstantibus optimatib<sup>9</sup> loqueretur, id est, humillimè modestissimeque. Deinde specialem reuerentiam exhibere decet Angelis sodalium nostrorum, quia in sententia Christi Domini, *Angeli eorum semper vident faciem Patris.*

*Secundus.*

Secundò modo cū Angelo agim<sup>9</sup>, quando tractam<sup>9</sup> cū Deo, ac tūc instar Mediatoris causam nostrā promouet, *Quando orabas,* inquit Angelus ad Tobiam, *cum lacrymis, ego obtuli orationem tuam Domino, &c.* Proinde quotiescunque à Deo beneficiū aliquod petimus, ad Angelum

con-

cōuertamur humiliter eum implo-  
rantes, quaten⁹ preces nostras diui-  
no cōspectui prēsentare velit, & suā  
impetrare intercessione, quod no-  
stræ oratio humilitatis nequaquam  
præsumit.

Recogita ergò, inquit S. *Quanta*  
Bernardus, quantà reuerentiâ ad *reueren-*  
orationem te accedere deceat. *tia oran-*  
Nam profecto maximè dolendum *dum sit.*  
est, videre aliquos in sacris vi- *Bernard.*  
gilijs somno vinci, nec vllâ vti *serm. 3. in*  
Reuerentia ergâ Angelos, à quibus *Cantic.*  
tamen omnes, vitæ ipsorum actio-  
nes notantur. Sed quam timendum  
illis, nè ab Angelis deserantur? *Lon-*  
*gè fecisti notos meos à me.* Optimè  
huic loco quadrat sententia Di-  
ui Bernardi, elegantissima solidis-  
simaque, quam præterea genuinis  
Authoris verbis impræsentiarum  
repetendam duxi: *Doleo proinde,*  
inquit ille, *aliquos vestrum graui in*  
*sacris vigilijs deprimi somno, nec cœ-*  
*li ciues reuereri, sed in præsentia*  
*Principum tanquam mortuos appa-*  
*rerè, cum vestra ipsi alacritate per-*  
*moti*

moti vestris interesse solennijs delectentur, vereor nè vestram desidiam quandoque abominantes cum indignatione recedant, & vnusquisque vestrum serò cum gemitu dicere Deo, longè fecisti notos meos à me, posuerunt me abominationem sibi. Et illud, Elongasti à me amicum & proximum, & notos meos à miseria. Item, qui iuxta me erant de longè steterunt, & vim faciebant qui querebant animam meam. Pro certo enim si se à nobis boni spiritus elongauerint, impetus malignorum quis sustinebit? Dico ergò ijs qui eiusmodi sunt, Maledictus qui facit opus Dei negligenter. Dicit quoque non ego, sed Dominus, vtinam te calidum aut frigidum, inuenissem, sed quia tepidus es incipiam te euomere ex ore meo. Quapropter attendite Principes vestros cum statis ad orandum vel psallendum state cum reuerentia & disciplina & gloriamini, quia Angeli vestri quotidie vident faciem Patris, nimirum missi in ministerium propter nos, qui hereditatem capimus salutis,  
deuo-

deuotionem nostram in superna ferunt  
referunt gratiam: vsurpemus officium  
quorum sortimur consortium, vt in  
ore infantium & lactentium persi-  
ciatur laus. Dicamus eis, psallite Deo  
nostro psallite, laudem ergo cum cœli  
cantoribus in commune ducetes, vtpo-  
tè ciues sanctorum & domestici Dei  
psallite sapienter.

Sed potissimum in Ecclesijs mo-  
destiam ac deuotionem exercere  
conuenit, quia Angeli quidam spe-  
cialiter ad earum custodiam depu-  
tantur, vt superius exemplis & te-  
stimonijs S. Scripturæ ostensum est.  
Quibus adiungo, particulari reue-  
rentia honoranda esse Deo conse-  
crata altaria, nam singula altaria à  
singulis custodiuntur Angelis; de  
quo neminè dubitare sinit, imprimis  
deuotus & humilis eorum affectus  
quo iuxta Deum omnia etiam ipsi  
dedicata, ædificia veneratur, deinde  
id, quod traditur in Prato spiritua-  
li, cuius libri authoritas etiam in  
secundâ Synodo Nicenâ multum  
valuit.

Reueren-  
tia Eccle-  
sijs ha-  
benda.

Item Al-  
taribus.

Prat. spi-  
rit. Act.  
4.

Vid Lip.  
pomâ in  
præfat.  
ad pratâ  
spiritual.

Prin-

*Appari-  
tio Ange-  
li supra  
Altare.*

Principio enim in illo cōmemo-  
ratur, Eremitam quendam, cum in-  
gressus fuisset in speluncam Abbatis  
Barnabæ, vidisse supra altare, quod  
idem Abbas cōsecrauerat, cœlestem  
Angelum, qui rogatus ab Eremita,  
quidnam ibi sibi vellet, respondit,  
præsentem locum, ex quo consecra-  
tus fuerat, custodiæ suæ à Deo com-  
mendatum esse.

*Pratum  
spiritual.*

Idem ibidem accidisse legimus  
Abbati Leontio, qui dominica die  
Ecclesiam introiens, conspicatus fu-  
it Angelū erecto corpore supra dex-  
terā partem altaris stantem, & spe-  
ctaculo terrefactus ad Cellam redi-  
it; huic igitur cum appropinquaret,  
audiuit vocem de cœlo dicentem si-  
bi: Altare illud vsque à die cōsecra-  
tionis commissum fuisse protectio-  
ni Angeli, qui in eo visibili forma se  
spectandum præbuerat.

*Tertius  
modus  
cōtrahen-  
di fami-  
liaritatē  
cum An-  
gelo.*

Tertio modo contrahitur fami-  
liaritas & sancta quædam consue-  
tudo cum Angelo Custode, quando  
soli cum solo loquimur; & hæc or-  
dinariè duplex est, prima timida &  
humi-



humilis, vt cum Angelum iustitiæ & vltionis diuinę ministrũ reueremur: secũda amabilis et fiducia plena secũdum quam eũ velut Misericordiæ dispensatorem agnoscimus. de quibus superius vberius tractatum est.

CAPVT XXI.

*QVALES SINT CONDI-  
tiones familiaritatis inita cum An-  
gelo, tanquam ministro iusti-  
tiæ, vt cum reue-  
reamur.*

**T**RIBVS conditionibus affe-  
cta esse debet familiaritas no-  
stra cum custode Angelo, dum reue-  
remur eum vti ministrum diuinæ iu-  
stitiæ, alioquin tã ab ingenuo timore *prima*  
quam Christiana modestia procul a- *conclusio*  
berit. Primò itaque cauendum, ne in  
præsentia ipsius ad indecentiam ali- *ad Cor.*  
quam effundaste, vel solum pedem *2.*  
nudando, nam idcirco voluit S. Pau- *S Bern.*  
lus foeminas in Ecclesijs etiam capi- *ser. 12. in*  
ta velare, cuius præcepti occasione *Psal. 90.*  
hortatur vnũquemq; nostrũ S. Ber-  
nardus,